

«ՀԱՅ ԺՈՂՈՎՈՒՐԴԸ ՀԱՅՐԵՆԱԿԱՆ ՄԵԾ ՊԱՏԵՐԱԶՄՈՒՄ
(1941—1945 թթ.)»*

Սովետական Միության 1941—1945 թթ. Հայրենական Մեծ պատերազմում զերմանա-Ֆաշիստական զավթիչների դեմ ձեռք բերված համաշխարհային-պատմական հաղթանակը մի փայլուն էջ է սովետական ժողովրդի հերոսական տարեգրության մեջ:

1941—1945 թվականներին, երբ զենքի ուժով վճռվում էր մեր երկրի բախտը, Սովետական Հայաստանի աշխատավորներն իրենց արժանի տեղը գրավեցին զերմանա-Ֆաշիստական զավթիչների դեմ, մեր մեծ Հայրենիքի աղաթության ու անկախության համար մղվող վճռական զոտեմարտում: Պատերազմի հենց սկզբից, սոցիալիստական մյուս ազգերի հետ միասին, մեր Հայրենիքի պաշտպանության համար հերոսական պայքարի դուրս եկավ նաև սոցիալիստական հայ ազգը, պատվով կատարելով իր պարտքը իր հայրենիքի հանդեպ: Ա. Մնացականյանի աշխատությունը «Հայ ժողովուրդը Հայրենական Մեծ պատերազմում» առաջին հետաքրքիր փորձն է՝ ի մի բերելու այս ժամանակաշրջանին վերաբերվող հարուստ նյութը:

Երախտովոր աշխատությունը բազմապատ է ներածությունից, 10 գլխից և եզրափակումից: Աշխատության առաջին գլխում, որը կրում է «Սովետական Հայաստանը Հայրենական Մեծ պատերազմից առաջ՝ խաղաղ շինարարության տարիներին» խորագիրը, համառոտակի, բայց համոզիչ փաստերով ու թվերով ցույց է տրված, թե ինչ է տվել Սովետական իշխանությունը, Կոմունիստական պարտիայի լենինյան-ստալինյան ազգային քաղաքականության հետևողական կենսազործումը հաջ ժողովրդին:

Աշխատության հաջորդ տասը գլուխներում դրվում են հայ ժողովրդի պատմության հարցերը 1941—1945 թթ. Հայրենական Մեծ պատերազմի ժամանակաշրջանում, նրա զավակների հերոսական սիրագործությունները ռազմաճակատներում ու թիկունքում: Երախտագիտական ջերմ զգացմունքով են նշված Սովետական Միության կազմի մեջ մտնող ռուս մեծ ազգի ծառայություններն ու ղեկավար դերը Հայրենական Մեծ պատերազմում, ռուս զենքերայինների, սպանների, մարտիկների անզերազանցելի մարտական հատկությունները՝ հերոսությունը, կայունությունը, ինքնազոհությունը, հաղթանակ ձեռք բերելու նրանց անհողողող կամքը:

* * *

Աշխատության մեջ ժամանակագրական կարգով շարադրված է հայ ժողովրդի հերոսական պատմությունը 1941—1945 թվականներին, սկսած պատերազմի առաջին օրերից մինչև նրա հաղթական վախճանը: Սովետական Միության վրա հիտլերյան Գերմանիայի ուխտադրուժ հարձակումից հետո, ռեսպուբլիկայի քաղաքներում ու գյուղերում զուժարկված բազմամարդ միտինգներում աշխատավորները միահամուռ կերպով երգվեցին մինչև արյան վերջին կաթիլը հավատարիմ մնալ սոցիալիստական Հայրենիքին:

Գրքում հանդամանորեն նկարագրված է հայ ժողովրդի զավակների մասնակցությունը Հայրենական պատերազմին՝ բոլոր ռազմաճակատներում: Պատերազմի առաջին օրերին Սովետական Միության արևմտյան սահմանների վրա թշնամու առաջին հարվածներն իրենց վրա ընդունեցին ու հիտլերյան զավթիչներին ջախջախիչ հակահարվածներ հասցրին Սովետական Բանակի միավորումները, որոնց կազմում գտնվում էին նաև հայ ժողովրդի շատ զավակներ: Այդ կատարի մարտերի կրակի ու բոցերի մեջ ծնունդ առան

* Ա. Մնացականյան, Հայ ժողովուրդը Հայրենական Մեծ պատերազմում (1941—1945), ԳԱ Հրատարակչություն, 1954:

առաջին հայ խիզախները: Ամբողջ երկրում թնդաց անվեհեր օղաչու Պ. Գազազյանի, մայր Ապրեսյանի և բազմաթիվ այլ հայ ռազմիկների համբավը:

1941 թվականի օգոստոսի 25-ին «Պրավդա» թերթը՝ «Հայ ժողովուրդը Սովետական Միության ազատագրական պատերազմի մարտական մասնակից է» խորագիրը կրող իր առաջնորդողում գրել է. «Հայ ժողովուրդը հաստատապես իր մարտական տեղն է գրավել իրենց անկախության և ազատության համար Սովետական Միության բոլոր ժողովուրդների մղած ընդհանուր պայքարում... Հայ ժողովուրդը մի մարդու պես ոտքի կանգնեց հայրենիքը պաշտպանելու»:

1941 թվականի աշնանը Մոսկվայի վրա կախված ահավոր վտանգի օրերին, սովետական բոլոր ժողովուրդների հետ հայ ժողովուրդը ևս վճռականությամբ հանդես եկավ հանուն Մոսկվայի պաշտպանության՝ «Մեր հարադատ Մոսկվան չենք տա թշնամուն» լողունգով: Մայրաքաղաքի հերոսական պաշտպանության և թշնամու գործերի ջախջախման համար մզվող մարտերում իրենց զորավարական տաղանդով աչքի ընկան գեներալ, այժմ Սովետական Միության մարշալ Ն. Բազրամյանը, հրետանու գեներալ Բարսեղովը, հետեւակային զիվիդիաների հրամանատարներ Ս. Մարտիրոսյանը, Ն. Մարտիրոսյանը, Ն. Գասպարյանը, Ս. Գինոսյանը և մյուսները: Հարյուրավոր հայ ռազմիկներ և աշխարհագորայիններ խիզախության և անձնագոհության օրինակ ցույց տվին Մոսկվայի մատույցներում մղված արյունահեղ մարտերում:

Աշխատության մեջ հուզիչ էջեր կան Ռազմա-ծովային ուժերի, նրանց շարքերում մարտնչող հայ ծովայինների, հերոս քաղաքներ Սևաստոպոլի, Լենինգրադի և Օդեսայի հայ պաշտպանների մասին: Պատերազմի ծանր օրերին հուշակվեց նավատորմի ադմիրալ Ի. Իսակովի անունը, որը Լենինգրադի և Սևաստոպոլի պաշտպանության ակտիվ ղեկավարներից մեկն էր: Անմար փառք վաստակեց Բալթիկայի կարմրագրոշ Ռազմա-ծովային նավատորմի գրոհային օղաչու, հետագայում Սովետական Միության կրկնակի հերոս Ն. Ստեփանյանը: Հարազատ Լենինգրադի համար իր կյանքը տվեց նաև քաջարի գեներալ-մայոր, բանակի ռազմական խորհրդի անդամ Բենիամին Գալստյանը:

Ապա հեղինակը պատմում է 1941—1942 թվականներին հայկական զորային միավորումների կազմավորման մասին, միավորումներ, որոնք ակտիվորեն մասնակցեցին Ղրիմի, Կովկասի, Ստալինգրադի պաշտպանությանը, ինչպես նաև հետագա հաղթական բոլոր ճակատամարտերին: 1942 թվականի գարնանը Ղրիմում՝ Կերչի թերակղզում, լարված մարտերի պայմաններում կազմակերպվեց հայկական հրաձգային զիվիդիան՝ զենգապետ Ջաբլանի հրամանատարությամբ, որը կատարեց մարտերով ջախջախիչ հարվածներ հաջրեց գերմանական 22-րդ տանկային զիվիդիային: Ղրիմի համար մղված մարտերում հերոսի մահով զոհվեցին հայկական զիվիդիայի հրամանատար գնդապետ Ջաբլանը, զիվիդիայի կոմիսար Թ. Շահինյանը, Սևծովյան նավատորմի անվեհեր օղաչու՝ Վ. Վարդանյանը, Շ. Աղեկյանը, երիտասարդ բանաստեղծ Թ. Հուրյանը և ուրիշները:

Գրքում ծավալուն տեղ է տրված Ստալինգրադի և Կովկասի պաշտպանությանը: Այնտեղ մանրամասնորեն վերլուծման է ենթարկված երկրի ռազմա-քաղաքական իրադրությունը 1942 թվականին, ինչպես նաև հայ ժողովրդի մասսայական բնաջնջման ֆաշիստական պլանների մասին, որը տեղ էր գտել, այսպես կոչված, գյորինգյան «կանաչ թղթ-թապանակ»-ում: Հեղինակը համոզիչ փաստերով մերկացնում է Անդրկովկասը դավթելու, նրան ստրկացնելու Թյուրքիայի կառավարողների և անգլո-ամերիկյան իմպերիալիստների հանցավոր պլանները:

Ստալինգրադի համար մղված ճակատամարտերում մարտական առաջադրանքը փայլուն կատարեց Հայաստանի քաղաքացիական կոնֆեդերատիվ բոլում ծնված, իր կազմով մեծ մասամբ հայ ռազմիկներից բաղկացած Կ. Ե. Վորոշիլովի անվան լեռնա-հրաձգային զիվիդիան, որին 1942 թվականի նոյեմբերին շնորհվեց զվարդիականի կոչում և մարտիկներից 3,000 հոգի պարգևատրվեցին Սովետական Միության շքանշաններով ու մեդալներով: Վոլգայի անառիկ ամրոցի՝ Ստալինգրադի պարիսպների տակ ուսուցողները կոչվեցին Սովետական Բանակի միավորումների կազմում իրենց զորամասերով թշնամու դեմ համառ և հաղթական մարտեր մղեցին հայ գեներալներ Ս. Գալստյանը, Ի. Վեբելյանը, Ն. Թումանյանը, Սովետական Միության Հերոս Ասք. Կարապետյանը, զվարդիայի գնդապետ Մ. Մաթթյանը:

Ստալինգրադի մոտ Սովետական Բանակի տարած համաշխարհային հաղթանակով արմատական շրջադարձ տեղի ունեցավ Սովետական Միության Հայրենական Մեծ պատերազ-

մի ընթացքի մեջ: Հարաճուն հարձակողական դործողություններով Սովետական Բանակն սկսեց թշնամուն ջախջախել և մասսայաբար վոնդել մեր տերիտորիայից:

1943 թվականի աշնանը հաջողությամբ լիկվիդացվեց նաև Թամանյան թերակղզում և Կուրանում ամրացած թշնամու մեծ խմբավորումը: Հաղթանակով ավարտվեց Կովկասի համար մղված ճակատամարտը: Այդ հարձակողական մարտերում սովետական մյուս դորամասերի թվում աչքի ընկավ զնդապետ Ն. Սաֆարյանի ղեկավարած հայկական հրաձգային դիվիզիան, որն արժանացավ Գերագույն Գլխավոր Հրամանատարի շնորհակալությանը և ստացավ Թամանյան կոչում: Հայ ռազմիկները մասսայական հերոսություններ կատարելով, հարստացրին դիվիզիայի ռազմական սխրագործությունների տարեգրությունը: Ավագ սերժանտ Հունան Ավետիսյանը իր կրծքով փակեց թշնամու դոստի զնդացրային հրակնատը և ապահովեց իր ստորաբաժանման առաջ շարժումը դեպի Նովորոսիյսկ քաղաքը: Հերոսի մահով ընկան Սուրեն Առաքելյանը, անվեհեր սակրավոր Ջահան Կարախանյանը: Դիվիզիայում աչքի ընկած 2.000 ռազմիկներ պարգևատրվեցին շքանշաններով ու մեդալներով:

Ուկրաինայում դործող բազմաթիվ դորամասերի շարքում իր մարտական գործողություններով աչքի ընկավ նաև Հայկական դիվիզիան, որը Կիրովոգրադ քաղաքն ազատագրելու, մարտերում աչքի ընկնելու համար արժանացավ Կիրովոգրադյան կոչման:

Մերձբալթիկայի և Բելոռուսիայի ազատագրման մարտերում վճռական դեր կատարեցին բանակի զենքերալ Հ. Բաղրամյանի հրամանատարությունում գործող Մերձբալթյան առաջին ռազմաճակատի զորքերը: Այդ զորքերը, Բելոռուսական 3-րդ ռազմաճակատի զորքերի փոխգործողությամբ, փայլուն հաղթանակ տարան Շտուլայ քաղաքից հյուսիս-արևմուտք և հարավ-արևմուտք կատարած գործողություններում: Այդ ռազմաճակատներում մղած մարտերում իրենց մարտական գործողություններով աչքի ընկան նաև զենքերալներ Հ. Մարտիրոսյանի, Կ. Հախնազարյանի և ուրիշների ղեկավարած դորամասերը: Անգնահատելի գործ կատարեցին Ուկրաինայում, Բելոռուսիայում և մյուս վայրերում գործող պարտիզանական միավորումները, նրանց շարքերում գտնվող հայ պարտիզանները, հայկական պարտիզանական ջոկատները:

Աշխատության ռազմաճակատային մասը եզրափակվում է Սովետական Բանակի կողմից 1945 թվականին Ֆաշիստական Գերմանիայի և միլիտարիստական Ճապոնիայի վերջնական ջախջախման համար մղած մարտերի նկարագրությամբ: Այստեղ հիմնական դժբերով տրված են Բեռլինի դրավման համար մղված մարտերը, որոնց ակտիվորեն մասնակցեց նաև Հայկական Թամանյան դիվիզիան: Նա իր մարտական դրոշը Կովկասի նախալեռներից փառքով հասցրեց մինչև Բեռլին և Բեռլին մտած Սովետական Բանակի հաղթական միավորումների շարքերում արժանի կերպով նշվեց Գերագույն Գլխավոր Հրամանատարի հրամանում: Թամանյան դիվիզիան դարձավ Կարմիր Աստղի, Մարտական Կարմիր Գրոշի և Կուտուզովի երկրորդ աստիճանի եռաշքանշանակիր դիվիզիա:

Աշխատության 10-րդ գլխում նկարագրված են թիկունքում Հայաստանի բանվորների, զյուզացիների և ինտելիգենցիայի հերոսական աշխատանքի ու պայքարի արդյունքները: Փաստական հարուստ տվյալների օգտագործումով հեղինակին հաջողվել է ցույց տալ Կոմունիստական պարտիայի ղեկավարությամբ թիկունքում ծավալված հերոսական աշխատանքը՝ ռազմաճակատին օգնելու, նենդ թշնամու դեմ հաղթանակը կոփելու համար: Պատերազմի հենց առաջին օրերից ռեսպուբլիկայի արդյունաբերական բոլոր ձեռնարկություններում, տրանսպորտում, կոլտնտեսություններում և սովետական տնտեսություններում ավելի ու ավելի յայն ծավալ է ընդունում սոցիալիստական մրցությունը՝ ռազմաճակատին ավելի շատ արտադրանք տալու նշանաբանով: Ռեսպուբլիկայի էկոնոմիկական կազմակերպվում է ռազմական ժամանակվա պահանջներին համապատասխան: Պատերազմի տարիներին ռեսպուբլիկայում յուրացվում և արտադրվում է 270 նոր տեսակի արտադրանք: Կանայք և երիտասարդները հերոսական աշխատանք են կատարում ռազմաճակատ մեկնածուներին փոխարինելու, արդյունաբերության, տրանսպորտի և զյուզատնտեսության աշխատանքը անխափան շարունակելու համար: Հերոսական աշխատանք կատարեց Սովետական Հայաստանի ինտելիգենցիան:

Չնայած աշխատության արժանիքներին, նրանում տեղ են գտել նաև մի շարք թերություններ: Աշխատությունը ծանրաբեռնված է կողմնակի հարցերով և նյութերով: Ավելորդ մանրամասնություններով է խոսվում մինչև 1917 թվականը հայ գյուղի սոցիալական և ազգային ճնշման մասին, այնտեղ տվյալներ են բերված 1913

Թվականին Հայաստանի արդյունաբերութեան համախառն արտադրանքի, 1920 թ. թյուրքական արշավանքի ժամանակ հարսի, Արդահանի օկուպացիայի, 1921 թվականի դաշնակցական ավանտյուրայի մասին և այլն: Անդրադառնալով դյուրատնտեսութեան կոլեկտիվացմանը հեղինակը տվյալներ է բերել սկսած 1924 թվականից, մանրամասն կանդ է առել 1941—1945 թվականներին Երևանի Քաղսովետի Գործկոմի կողմից բնակարանային շինարարութեան պլանները թերակատարելու վրա և այլն և այլն, հարցեր, որոնք անմիջապես չեն առնչվում թեմայի հետ: Գրա հետևանքով առաջ է եկել ձգձգվածութիւն, որն ավելի նկատելի է երկրորդ և տասերորդ դիւիզիոններում: Ընդհանրապես աշխատութեան մեջ աչքի է ընկնում մի շարք կարևոր հարցերի վերլուծման մակերեսայնութիւն. որոշ տեղերում անբավարար են ընդհանրացումները:

Ցանկալի էր, որպէսզի հեղինակը ավելի հանգամանորեն կանդ առներ Հայրենական պատերազմի հետևանքով առաջացած զժպարութիւնների և դրանց հաղթահարման վրա: Պարտիական կազմակերպութիւնների աշխատանքը թիկունքում ոչ բոլոր դեպքերում է հաջողութեամբ բացահայտվել:

1942 թվականի վերջին Սովետական Բանակի կողմից սկսված հարձակողական մարտերի օրերին հայ ժողովուրդը ռազմաճակատի իր զավակներին դիմեց հայտնի նամակնակաղով: Այդ նամակը «Պրավդան» իր էջերում հրատարակեց 1943 թվականի փետրվարին: Երանից հետո ռազմաճակատային թերթերը նամակը արտատպեցին և հայ ռազմիկներին հասցրին 1943 թվականի հարձակողական եռուն մարտերի օրերին, որը խոշոր դեր կատարեց ռազմիկների մարտունակութիւնը բարձրացնելու տեսակետից: Գրքում նամակը ղխավորապես կապվել է 1941—1942 թվականների հայկական զորային միավորների կազմակերպման հետ, որի հետևանքով որոշ չափով թուլացել է նամակի կատարած դերը: Կան փաստական կարգի որոշ անճշտութիւններ: Այսպէս, օրինակ, ցույց է տրված, որ Ա. Կարապետյանը, Մ. Բոստանջյանը, Ա. Հարութիւնյանը Սովետական Միութեան Հերոսի կոչում են ստացել Սասիկի զորային մարտերին մասնակցելու համար, այնինչ նրանք հերոսի կոչման արժանացել են Ուկրաինայի ազատագրման մարտերի շրջանում: Գրքի վերջում զեանդված ռուսերեն ամփոփումը սխեմատիկ է, այն կարելի էր ավելի լավ մշակել:

Աշխատութեան մեջ տեղ են գտել նաև լեզվական-ոճական մի շարք անհաջող ձեւակերպումներ, մարդկանց և տեղանունների աղավաղումներ և այլն:

Չնայած նշված թերութիւններին, ընկեր Ա. Մնացականյանի «Հայ ժողովուրդը Հայրենական Մեծ պատերազմում 1941—1945 թթ.» աշխատութիւնը ուշադրութեան արժանի ուսումնասիրութիւն է և կարդացվում է հետաքրքրութեամբ:

Ա. ՀԱԿՈՒՅԱՆ, Ե. ԱՆԼԻՅԱՆ